



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

**«Գազպրոմ Արմենիա» ՓԲԸ-ի կողմից 2017 թվականի 2-րդ եռամսյակում
№021/GArm/17_2.2_00/30.03.17 ծածկագրով իրականացված «Չափաբաժին №1
գնդային փականների ձեռքբերում», «Չափաբաժին №2 եռաքայլ գնդային
փականների ձեռքբերում» գործարքի մոնիթորինգի արդյունքների վերաբերյալ**

ԵՐԵՎԱՆ 2017

Մոնիթորինգի իրականացման հիմքը՝ ՀՀ հանրային ծառայությունները կարգավորող հանձնաժողովի 2014 թվականի հունիսի 25-ի №207Ա որոշման №1 հավելվածով հաստատված՝ հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

Մոնիթորինգի օբյեկտը՝ «Գազպրոմ Արմենիա» ՓԲԸ:

Մոնիթորինգի առարկան՝ «Գազպրոմ Արմենիա» ՓԲԸ-ի կողմից 2017 թվականի 2-րդ եռամսյակի ընթացքում իրականացված գնումների առանձին գործարքները:

Մոնիթորինգի նպատակը՝ «Գազպրոմ Արմենիա» ՓԲԸ-ի կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում ՀՀ հանրային ծառայությունները կարգավորող հանձնաժողովի 2014 թվականի մարտի 26-ի №61Ա որոշմամբ սահմանված լրացուցիչ պահանջներին:

Մոնիթորինգի իրականացման ժամկետը՝ 2017 թվականի օգոստոսի 15-ից մինչև 2017 թվականի նոյեմբերի 15-ը:

Մոնիթորինգի մեթոդաբանությունը՝ «Գազպրոմ Արմենիա» ՓԲԸ-ի գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

«Գնդային փականների ձեռքբերում» մրցույթ

«Գազպրոմ Արմենիա» ՓԲԸ-ն՝ համաձայն 2017 թվականի մարտի 30-ի №021/GArm/17_2.2_00/30.03.17 ծածկագրով բաց առաջարկների հարցման հանձնաժողովի №1 արձանագրությամբ հաստատված հրավերի, 2017 թվականի մարտի 30-ին իր կարիքների համար բաց առաջարկների հարցումով հայտարարել է գնդային փականների ձեռքբերման մրցույթ՝ 2 լոտով, մրցութային հայտերի ներկայացման ժամկետ սահմանելով մինչև 2017 թվականի ապրիլի 14-ը:

Հայտարարությունը ընկերության կայքում և ֆինանսների նախարարության էլեկտրոնային տեղեկագրում հրապարակվել է 2017 թվականի ապրիլի 3-ին:

Նախքան մրցույթի հայտարարումը, ընկերությունը կատարել է շուկայի ուսումնասիրություն՝ գնային հարցումներ ուղարկելով 5 ընկերությունների, որոնք հանդիսանում են «Գազպրոմ» ՀԲԸ-ի ցանկում գրանցված սարքավորումներ արտադրող կամ դրանց արտադրանքը մատակարարող ընկերություններ:

Մրցույթի հայտարարումից հետո բաց առաջարկների հարցման հրավերին համապատասխան կարգով հայտ է ներկայացրել մեկ մասնակից՝ «ԴԴ ՍՏՊԱ» ՍՊԸ-ն, որի կողմից ներկայացված փաստաթղթերը համապատասխանել են բաց առաջարկների հարցման փաստաթղթերով սահմանված կարգին:

Ելնելով ներկայացված գնային առաջարկից՝ «Գազպրոմ Արմենիա» ՓԲԸ-ն 14.04.2017 թվականի նիստի №2 արձանագրությամբ հաղթող է ճանաչել «ԴԴ ՍՏՊԱ» ՍՊԸ-ին և 28.04.2017թ.-ին վերջինի հետ կնքել է պայմանագիր, որի գինը կազմել է 124,7 մլն դրամ (ներառյալ ԱԱՀ-ն) 1-ին չափաբաժնի համար և 8,5 մլն դրամ (ներառյալ ԱԱՀ-ն)՝ 2-րդ չափաբաժնի համար:

№021/GArm/17_2.2_00/30.03.17 ծածկագրով իրականացված «Գնդային փականների ձեռքբերում» առաջարկների բաց հարցման փաստաթղթերի ուսումնասիրության արդյունքում կարելի է փաստել, որ.

1. «Գազպրոմ Արմենիա» ՓԲԸ-ն գնման ընթացակարգի փաստաթղթերը և գնդային փականների տեխնիկական բնութագրերը կազմել է պատշաճ մակարդակով:

2. Նախքան մրցույթ հայտարարելն ընկերությունն իրականացրել է շուկայի ուսումնասիրություն և գնային հարցում ուղարկել «Գազպրոմ» ՀԲԸ-ի ցանկում գրանցված սարքավորումներ արտադրող կամ դրանց արտադրանքը մատակարարող ընկերությունների, ինչի վերաբերյալ փաստաթղթերը կցված են մրցութային փաթեթին:

Ընկերության պահանջը, որ գնման առարկան արտադրված լինի «Գազպրոմ» ՀԲԸ-ի ցանկում գրանցված ընկերությունների կողմից, կրում է խտրական բնույթ: Այս համատեքստում հարկ է նշել, որ գնման առարկայի տեխնիկական բնութագրերի մեջ անհրաժեշտ էր սահմանել պահանջվող հարաչափերը՝ հայտ ներկայացնող ընկերություններին համապատասխան ապրանքատեսակ առաջարկելու հնարավորություն տալով:

3. Պայմանագրով սահմանվել է վճարման ողջամիտ ժամկետ:

Այս համատեքստում հարկ է նշել, որ գնումների գործընթացների թերի կազմակերպման արդյունքում շուկայականից բարձր գներով ձեռք բերված ապրանքների, աշխատանքների և ծառայությունների արժեքները (շուկայական գները գերազանցող չափով) հաշվի չեն առնվի ընկերության սակագներում:



ԱՊՐԱՆՔՆԵՐԻ ԵՎ/ԿԱՄ ԾԱՌԱՅՈՒԹՅՈՒՆՆԵՐԻ ԳՆԱՆ ԳՈՐԾԸՆԹԱՑԻ ՍՏՈՒԳԱԹԵՐԹ

Ընկերության անվանումը «Գազպրոմ Արմենիա» ՓԲԸ

Գնման անվանումը Գնդայի փականների ձեռքբերում

Գնման ծածկագիրը N°021/GArm/17_2.2_00/30.03.17

Գնման ձևը Բաց առաջարկների հարցում

ԲՈԼՈՐ ՓՈՒԼԵՐԸ

Ստուգաթերթի պայման	Ա	Ո	Չ/Ո	Մեկնաբանություններ
1 Համարժեք և համապատասխան գրառումները պահպանվում են գնումների գործընթացի ողջ ընթացքում և բավարար տեղեկատվություն են տրամադրում, ինչը թույլ է տալիս աուդիտ կամ անկախ ստուգում իրականացնել	☒	☐	☐	

ԳՆԱՆ ՊԼԱՆԱՎՈՐՈՒՄ

Ստուգաթերթի պայման	Ա	Ո	Չ/Ո	Մեկնաբանություններ
--------------------	---	---	-----	--------------------

	Ստուգաթերթի պայման	Ա	Ո	Զ/Ո	Մեկնաբանություններ
2	Գնման հայտը հաստատել է կազմակերպության գործադիր մարմնի ղեկավարը կամ վերջինիս կողմից լիազորված անձը	☒	☐	☐	
3	Գործարքի համար կիրառվող գնման մեթոդի ընտրությունը ճիշտ է կատարվել	☒	☐	☐	
4	Մինչև գնումների հրավերների հրապարակելը իրականացվել է համապատասխան շուկայի ուսումնասիրություն (փաստաթղթերը կցված են)	☒	☐	☐	
5	Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունը իր վեբ կայքում և գնումների էլեկտրոնային տեղեկագրում հրապարակելուց բացի դիմել է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար	☐	☒	☐	
6	Մասնակից մատակարարների հայտերի ընդունման գործընթացում ապահովվել է արդարությունն ու անկողմնակալությունը	☐	☐	☒	Ներկայացվել է միայն մեկ հայտ:

ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
7	Ապահովվել են հավասար մրցակցային պայմաններ հնարավոր մասնակիցների համար	☐	☒	☐	Գնման առարկայի տեխնիկական բնութագրերը պարունակում են պահանջ, որը կրում է խտրական բնույթ, մասնավորապես պահանջվում է, որ գնման առարկան արտադրված լինի «Գազպրոմ» ՀԲԸ-ի սարքավորումների ցանկում գրանցված ընկերությունների կողմից:

8	Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը	☒	☐	☐	
9	Գնումը օբյեկտիվորեն հիմնավորված է և համարժեք է այն կարիքին, որի բավարարման նպատակով կատարվում է	☒	☐	☐	
10	Մանրամասն ներկայացված են գնման ընթացակարգի փաստաթղթերը	☒	☐	☐	
11	Պատշաճ ձևով ներկայացված են ապրանքների տեխնիկական բնութագրերը	☒	☐	☐	
12	Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմեկնաբանությունը	☒	☐	☐	
13	Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի	☒	☐	☐	Գնման փաստաթղթերը պարունակում են մրցակցությունը սահմանափակող պահանջ. ընկերությունը սահմանել էր, որ գնման առարկան պետք է արտադրված լինի «Գազպրոմ» ՀԲԸ-ի սարքավորումների ցանկում գրանցված ընկերությունների կողմից:

ՊԱՅՄԱՆԱԳՐԻ ԿՆՔՈՒՄ

	Ստուգաթերթի պայման	Ա	Ո	Չ/Ո	Մեկնաբանություններ
14	Հայտերի գնահատման ընթացակարգը ընթացել է արդար և անկողմնակալ	☐	☐	☒	Ներկայացվել է միայն մեկ հայտ:
15	Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին	☒	☐	☐	

	Ստուգաթերթի պայման	Ա	Ո	Զ/Ո	Մեկնաբանություններ
16	Հայտերի գնահատման ժամանակ ապահովվել է հատուցում արժեքի դիմաց սկզբունքը	☒	☐	☐	
17	Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը)	☒	☐	☐	

ՊԱՅՄԱՆԱԳՐԻ ԿԱՏԱՐՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
18	Սահմանվել է վճարման ողջամիտ ժամկետ	☒	☐	☐	
19	Գնման պայմանագիրը կատարվել է պատշաճ մակարդակով	☒	☐	☐	
20	Գնման առարկայի արժեքը համապատասխան է շուկայական արժեքին	☒	☐	☐	